

# انڈوہ



بلوچ اسٹوڈنٹس آرگنائزیشن آزاد

# اندوه



بلوچ اسٹوڈنٹس آرگنائزیشن آزاد

# نامدات

چاگے ۽ پتنگیں زمین ۽ نام ۽

کتائبک : اندوه  
چھاپ : مئی 2026  
زبان : بلوچی  
ڈس : عطا شاد ڈگری کالج تربت

تند جاہ : [www.bsoazad.org](http://www.bsoazad.org)

ای میل : [admin@bsoazad.org](mailto:admin@bsoazad.org)

# لڑ

- 1 ..... پیشگال
- 5 ..... 28 مئی پڑدر
- 9 ..... گوں چاگے ء جاہ مندیں بلوچ نودر بر توکل بلوچ ء جُست
- 18 ..... گوں بلوچ اهو اکا چر اگ بلوچ ء جُست
- 22 ..... گوں بلوچ نبشته کارے ء جُست
- 37 ..... گوں بلوچ سیاسی جہد کارے ء جُست
- 43 ..... گوں فزیمیسٹ یے ء جُست
- 48 ..... گوں بلوچ سیاسی رهشون دل مراد بلوچ ء چہ جُست

## پیشگال

28 مئی 1998ء وھدے زور گیریں پاکستانی استان بلوچ ڈیھ ء سرء ایٹمی تراک ء چکاسیت، چرے تراک ء بلوچ گلز مین ء دلبنر ٹپگ بیت ء مئے گلیں زمین ء سرء آسے جمبور کنگ بیت، چرے آس ء مئے ڈیھ ء زیبائی، جنگلانی در چک ء دار، زمین ء رُستگیں مُرگ ء ساھدار، جہمنندیں مہلوک ء ھوار سر زمین ء گوں بندوکیں ھمگ شے چه تراک ء تراک ء آسرء ریڈیشن ء ساناں سوچگ بنت۔ اے ویل مئے ڈیھ ء ماندارگ ء روج انت، ھما گلز مین کہ مارا چوساھ ء دوست انت، آئی ء جاہمنندیں مہلوک، در چک ء دار، کور ء کور جو، مُرگ ء بالو، جناور ء

دباو، کوہ ءُ کچھر، میزریں ڈن ءُ ڈگار کہ مئے ساہ ءُ زورگ ءُ ہوار آنت، آہانی  
 ر کینگ ءُ پھاژگ ءُ مئے ہستناک کربان انت، کسے مئے چوشیں دو ستیگیں  
 چیزاں تاوان بہ دنت ءُ آھاں بہ سوچ ایت، اے مئے ہاتر ءُ آسروک ءُ روج  
 لیگ بیت۔

دنیاء کجام ہم کڈ ءُ زور گیریں استانے بوتگ، دنیاء دپتر اے راستی ءُ شون ءُ  
 دنت کہ آھاں گول ایردستیں مہلوک ءُ زمین ءُ مہر ءُ دوستی نہ بوتگ نیکہ آہانی  
 پرواہ اش کنگ بلکیں آہانی چم مدام ہمازمین ءُ مادن، زمین ءُ اسٹریٹجک جاہ، بیپار  
 ءُ ٹٹ ءُ پل ءُ سسک بوتگ آنت۔ زور گیریں کہ دومی ڈیھانی سر ءُ زور گیری کنگ ءُ  
 آ ایردست کنگ آنت گڑا آھاں زانت ءُ وت اود ءُ تباہی آؤرتگ داں ہماراج  
 وتی راجی ہستناک ءُ در بنیت ءُ زور گیری رنگ ءُ بہ بیت، اے ہاتر ءُ زور گیریں ہما  
 راج ءُ ہمک دروشماں چکپینی کنگ، آئی ءُ زمین پہ وتی بدیں نپاں کار مرز کنگ۔  
 الجیریہ ءُ سر ءُ فرانس ءُ زور گیری ءُ وھد ءُ ایٹی تراکاں بہ گر داں بلوچستان ءُ  
 زور گیریں پاکستانی ایٹی تراکاں بیا اے گل ہما زور گیریں استانانی بدیں پالیسی  
 بوتگ آنت کہ آھاں ایردستیں زمین انچیں زور اکیں رنگے ءُ کار مرز کنگ

انت ءُ تباہی ءِ دیناں آؤرتگ انت کہ ہچ استان اے رنگ ءِ نہ کنت۔ اے زورگیریں پاکستانی پالیسی یے بوتگ کہ بلوچ ڈیہ ءِ مہلوک چہ ریڈیشن ءِ ساناں انچیں ناڈراہیانی آماج کنگ کہ آ بھ چرے ساناں در اتک مہ کنت۔ اے شور بندی پہ زور ءُ سما زور گیریں پاکستان ءُ زرتگ داں آ بلوچ ڈیہ ءِ سر ءِ بلوچ راج ءِ چکچینی ءُ کنت بہ کنت ءُ آئی ءِ سر زمین ءِ انچو تباہ بہ کنت کہ اود ءِ نہ کنت ءُ کشاری یے بوت بہ کنت نیکہ اود ءِ انسانی زاتے زندگوارینت بہ کنت۔

اے کتابک ءِ چاپ ءُ شنگ کنگ ءِ بتکی مکسد ہمیش انت کہ بی ایس او بلوچ راج ءِ میان ءِ انچیں علمی باوستے بیارایت کہ آ راج ءِ ورناءُ مہلوک ءِ اے سر پد کنت بہ کنت کہ اے ایٹی تراک ءِ مکسد چہ بوتگ ءُ بلوچ راج چریشی ءِ چہ چوں سامند انت۔ اے کتابک کار ءِ آسر نہ انت بہ گندے بندات انت۔ بی ایس او جہد کنت کہ آھوکیں وھد ءِ ہمے رونج ءِ درگت ءِ گیشیں پٹولی کارے بہ کنت ءُ اکیڈمک ءُ ریسرچ بنیاد ءِ گیشن نکان چاپ ءُ شنگ بہ کنت۔

مئے گورء مدامی چوشیں ویلانی سرء سائنسی ء علمی باوست باز کم گندگ کیت یا  
 اے روچانی پُشد رء باروء کس اس کسے سائنسی ء علمی بنیادء باوست بہ کنت۔ اے  
 چیز مئے زہن ء بہ بیت مروچیکیں دُنیا ء ایوک ء ہبر مانانہ دار ائت۔ بزراں  
 ایوک ء اے کلیم کنگ کہ بلوچ بیگواہ بوگ ء ائت، بلوچستان ء ایٹمی تراک کنگ  
 بوتگ یا بلوچ راج ء چکچینی کنگ بوگ ء ائت۔ یہ دُنیا ء منارینگ ء اے چیز المی  
 ائت کہ بلوچ راج ریسرچ ء اکیڈمک بنیادء انجیں باوست ء نکان دیم ء بیار ایت  
 دانکہ دُنیا لاچار بہ بیت ء بلوچ راج ء گوش بہ دار ایت۔ بی ایس او آھوکیں  
 وھد ء ہے درج ء بر جاہ داران ء بلوچستان ء تہ ء ھمگ ویلانی سرء سائنسی ء علمی  
 بنیادء کار کنت ء نکان دیم ء آرگ ء جھد کنت۔

اداریہ

## 28 مئی ء پزدر

28 مئی 1998 ء بلوچستان ء ہلک چاگے ء کوہی دگ راسکوہ گوں  
 ایٹھی شورہاں آس دیگ بیت، پاکستان ء شاکامی بیت کہ نوں آ ایٹھی تاکتے  
 جوڑ بوتگ ء پد ایشی ء یوم تکبیر ء نام ء داں روج ء مرچی یات کنت۔ بلے اے  
 ایٹھی تراک پہ بلوچ راج ء زمین ء یشلیس تباہی یے بیت کہ چہ ایشی ء راسکوہ بُن  
 گپت، ہزارانی کچ ء ساہدار مر آنت، موسم مٹ بیت، بلوچستان ء ساہیں  
 گوات شورہاں پُر بیت، مُرگ ء مال، انسان ء جناور، زمین ء کوہ، گوات ء آپ  
 درست ہمے تراک ء زد ء کابنت ء داں مرچی ء آزر دگ آنت۔ اے ہمے ایٹھی  
 تراک ء ریڈیشانی سبب آنت کہ مئے ڈیہ ء آسروک بیت ء داں روج ء مرچی  
 آئی ء سان گندگ بنت۔ پکیشکہ اے روج پہ ماروج ء آسروک (یوم آسروخ) یا  
 سیاہیں روج آنت۔

1970ء دہک ۽ ساؤتھ ایشیاء ۽ انڈیا اولی ایٹمی تاکت جوڑ بیت ۽ پاکستان ہم ایٹمی تاکتے جوڑ بوگ ۽ چین ۽ لائچ ۽ لائک بندیت، ذولفقار علی بھٹو گشیت "ماکھ وراں بلے ایٹم جوڑ کنیں" بلے وھدے کہ ایٹم بمب جوڑ بیت، پاکستان ۽ تاجے سر ۽ بیت ۽ پھ بلوچ ۽ کھرے کنیت ۽ کپ ایت۔ پھ ایٹمی تراک ۽ چکاسگ ۽ بلوچستان ۽ دورہ کنگ بیت ۽ چاگے ۽ اسکوہ گچین کنگ بیت، آوھدے پاکستان ہمے منانک ۽ دنت کہ اے دگ ریگزارے ۽ اے کوھانی تہ ۽ ایٹمی شورہ زوت ھلاس بنت۔ بلے وھدے عبدالرزاق وتی ماسٹر ۽ تھیسس ۽ نبشتہ کنت درستاں پیش ہمے منانک ۽ رد کنت ۽ گشیت کہ اے ریگزارے نہ بوتگ، اے بلوچانی میتگے بوتگ ۽ اے چکاس جاہ ۽ میتگ ۽ مردم زورانسری چہ وتی پت ۽ پیڑکی ھلک ۽ بے سر ۽ سامان ۽ کشنگ بوتگ آنت۔ ہمے جاہ ۽ کموگستا دگہ ہم آبادی بوتگ کہ آھمے تراک ۽ سانانی زد ۽ اتلگ ۽ سانمند بوتگ آنت۔ پاکستان اشی ۽ رواکنگ ۽ پھ ہر ڈولیں منانک بہ دنت بلے مرچی چاگے ۽ ہمے ایٹمی تراک ۽ باپشت ۽ ودی بوتگیں جاور، مردمانی زند ۽ آھانی اندر ۽ زہنی ۽ جسمانی نادراھی وت شاھدی دینت کہ اے تراک چونیں رنگے ۽ کنگ بوتگ، ۽ اشی ۽ ہاتر ۽

اے ہندء مردمانی زندء باندات ء بابت ء ہچھیال گور کنگ نہ بوتگ۔ یہ درور  
چاگے ء نیم آبادی ہسپائٹس ء آماج انت، پُپ، جگر ء کینسر ء نادراہمی لس جیڑہ  
انت، چشیں لوگے نیست کہ اودء اے نادراہیاں یک نہ یک مردے سامند  
نہ انت۔ عبدالرزاق ء ردء ہک سہی چک کینسر ء آماج انت۔

ہمے پیم ء ایٹم بمب ء جوڑ کنگ ء وھد ء پور نیم کشگ ء پلانٹ ڈیرہ  
غازی خان ء جنگ بنت کہ چہ اشئ ء سبب ء سر جمیں ہند کینسر ء پُپ ء دگہ مردم  
کشیں نادراہیانی آماج انت۔

بلوچ راج ء چہ ہماروچ ء اے عمل ء ہلاپ ء گہگیری کنگ چوشکہ کیچ ء  
سے بلوچ ورنہ شہسوار، شبیر ء ساہر بلوچ اشئ ء ہلاپ ء گہگیری کنان ء پاکستانی  
بالی گراہے ہائیچیک کن انت ء چہ پاکستان ء لوٹ کن انت کہ آبلوچ ڈیھ ء وتی  
زوراکیاں بند بہ کنت بلے ادء پدازور گیری وتی راستیں دیم ء پیش دارایت ء بلوچ  
ورنایاں رد دنت۔ آگوں دروگیں پندل ء دز گیری کنگ بنت ء آھانی تہ ء شہسوار  
ء ساہر 2015 ء حیدرآباد ء جیل ء شہید کنگ بنت ء شبیر کراچی ء جیل ء پاهو دیگ  
بیت۔

اے سر جسیں جاوراں چارگہ پد اے منانک وتی اندرہ سر جمہ بے  
 بُن انت کہ چاگے ہتنا وتی جاہ سببہ گچین کنگ بوتگ یا کہ ڈیرہ غازی خان  
 یورینیمہ پلانٹ ہنا ہمہ ہاترہ جنگ بوتگ انت کہ چہ اودہ یورینیمہ درانگ  
 بلکیں اشیہ پُذری راستی تجہ گوں بلوچ چکچینیہ بندوک انت۔ ہمہ پیم دومی  
 مستریں سببہ ادہ اشانی بگیریہ توارہ نہ بوگ انت، ہمیشہ سر جسیں واک  
 استانہ جنده گورہ بیتہ آ اے کارہ ابیدہ بلوچہ رزائہ آئیہ بابتہ حیرٹگہ  
 گوں دلہ نیلہ کنت۔ یہ درور بلوچستانہ ڈن دگہ کجام ہم ہندے پہ انٹمی  
 تراکہ چکاسگہ گچین کنگ بوتیں داں اودہ صوبائی حکومتہ آ دگہ سیاسی  
 تاکت اشیہ دیمہ میلانک بوتگ ات انت بلے بلوچستانہ حکومتہ انچو  
 جوہرہ ہاٹیک مان نہ بیت کہ آ اشیہ ہلاپہ اوشات بہ کنت، اوشنگ دوریں  
 ہبرے اشیہ چہ لا تعلقہ جار ہم کس جت نہ کنتہ بلوچستانہ ونگڑیں سر وزیر  
 وت پہ بلوچستانہ بُن دیگہ پاکستانہ گوں دست ماں دست بیت۔ بلوچستانہ  
 ڈیہہ بُن دیگہ پارلیمانی مردمانی مزنیں دستے مان کہ بھہ شموٹگ نہ بیت۔

گوں چاگے ء جاہ منندیں بلوچ نودر بر توکل بلوچ ء

28 مئی ء ویل ء درگت ء جھست

شولان بلوچ: اے ایٹھی تراک ء پدمردمانی سرء نفسیاتی سان چے آنت؟

توکل بلوچ: بنی آدم ء دودمان ء دیروی ء گوستانک چہ زوراکی، جنگ ء جدل ء  
 بنگی انسانی هکائی لگت مالی ء کسہاں ناچ نہ انت۔ بنی آدم کہ مرچگیں اے  
 تیز گام ء دیروی کتگیں اهد ء انگ ء سر بوتگ اشی ء زیر دستیں راجانی سرء  
 بوتگیں زلم ء زوراکیانی ٹپ پر آنت۔ بنی آدم ء بند پتر ء دو سیاہیں اهد  
 نوآبادیات ء نوک نوآبادیات آنت کہ ہمے اهد ء روکیت ء مز نیں تاکتاں وتی  
 سیاسی، روزیگی ء لشکری تاکتانی گیسن توانا ء مہم کنگ ء ہاتر ء جھان ء نزور ء

کسانیں راج زیر دست کنگ بندات کُت اُنْت ءِ مرچینگیں اُھد ءِ رو کپتی  
 تاکتانی مہمی ءِ دیمروی ءِ تہ ءِ ایردستانی ہید ءِ ہون ہوار اُنْت۔ بیستمی کرن ءِ  
 دومی جھانی جنگ ءِ تہ امریکہ ءِ جاپان ءِ سر ءِ ایٹمی بمبانی کار مرزگ ءِ جھانی جہت ءِ  
 استانی تاکت ءِ روایتی کچ مٹ کُت ءِ جاپان ءِ سر ءِ ایٹمی تراک ءِ جھانی جہت ءِ  
 ایٹمی تاکت جوڑ بوگ ءِ نوکیں ریس یے بنا کُت ءِ ہمے استانی ایٹمی تاکت جوڑ  
 بوگ ءِ سان تچک ءِ نو آبادیات آنی سر ءِ کپت اُنْت ءِ ہمے اُھد ءِ رو کپت ءِ استاناں  
 ایٹمی تاکت جوڑ بوگ ءِ ہاتر ءِ زور آنسری زور ءِ ایردستیں راجانی مادن ءِ زمینانی  
 کار مرزگ بنا کُت۔ استانی ہمے عمل پوسٹ کالونیل ٹیکسٹ ءِ ہستیں اکیڈمیاء  
 تہ ءِ نیوکلیر کالونیلزم ءِ نام ءِ پچارگ بیت۔ فرانس ءِ الجیریا ءِ تہ ءِ 1960 ءِ دہک ءِ  
 ایٹمی تراک ءِ برطانیہ ءِ 1960 ءِ دہک ءِ آسٹریلیا ءِ زمین ءِ ایٹمی بمب ءِ تراک  
 نیوکلیر کالونیلزم ءِ مستزیں درور اُنْت۔ 1974 ءِ وھدے انڈیا راجستان ءِ تہ ءِ  
 وتی ایٹمی تراک ءِ کنت گڑ پاکستان اِشی ءِ پتہ وتی ہستناک ءِ شریں پالے سر پد نہ  
 بیت کہ زر باری ایشیا ءِ تہ ءِ پاکستان ءِ انڈیا ءِ کچے دومی ءِ ہستناک ءِ منگ ءِ تیار نہ  
 انت۔ ہمے درگت ءِ پاکستان ءِ سر وزیر انڈیا ءِ ایٹمی تاکت ءِ جوڑ بوگ ءِ ترس ءِ

ایٹمی بمب ء جوڑ کنگ ء چن ء لائچ ء بندات کنت ء 28 مئی 1998 ء چاگے ء دل بند  
 راسکوہ ء سرگیں کوہانی دل ء پنج تراک کنت کہ چریشی ء سبب ء چاگے ء  
 زبردستیں ہزاراں سال پیسرا آبادیں بلوچ چہ وتی چند ء پت ء پیر کی ہلک ء  
 میتگاں در آگے ء لاچار کنگ بنت ء ایٹمی تراک ء نفسیاتی ساناں ہوار تابکاریانی  
 سبب ء چاگے ء کش ء گور ء زبردستیں بلوچ آبادی جتائیں ناڈراہیانی آماج بنت  
 کہ داں روچ ء مرچی ہم کینسر ء ہون ء ناڈراہی (تھیلیسیما) ء دروشم ء  
 زبردستیں بلوچ راج ء چکچینی ء گین بوگ ء انت۔

چاگے ء مہلوک ء سر ء ایٹمی تراک ء نفسیاتی سان:

تبرانتی ء تہ ء ہمگ ہما عمل کہ آ انسانی روشنائی تہ ء بدلی ء ما زمانہ بنت  
 آہانی الم ء سان انسان ء نفسیات ء سر ء کپ انت ء ٹراما دیدانک ء رد ء ہمگ ہما  
 ویل کہ انسانی تب ء ہلاپ بہ بیت آئی ء سان انسانی نفسیات ء سر ء کپ انت کہ  
 چریشی ء سبب ء انسان چہ نارملیں کنڈیشن ء در کیت ء نفسیاتی ناڈراہیانی آماج  
 بیت۔ 1945 ء وھدے جاپان ء سر ء ایٹمی تراک کنگ بنت گڑاھے تراکانی

سبب ء کساس سے لک مردم مرگ ء آماج بیت۔ ہمے تراک ء وهدء ر کیتگیں  
 مردم کہ جاپان ءتہ ء آھاں ہبا کوشاگش انت، ہمے ر کیتگیں یا کہ ایٹمی تراک ء  
 چم ءوت دیستگیں مردم دائمی بز ان کہ داں مرگ ہمے ٹراماءتہ بوتگ انت ء  
 مدام انزائی ء آماج بوتگ انت۔ چاگے ء دلبد ء ناروائیں پاکستان ء ایٹمی تراک  
 کہ وتی ابرم ءتہ ء سرجم ء انسانی تب ء ہلا ہیں عملے بوتگ ء اشی ء ابید زیر دستیں  
 بلوچ راج ء زمین ء سرء زور انسری ایٹمی تراک چاگے ء مہلوک ء بلوچ راج ء سرء  
 دائمی نفسیاتی سان دور دیگ ء سبب جوڑ بوتگ۔

ایٹمی تراک ء سان تہناتا باکاری ء جتائیں جسدی ناڈراھیانی دروشم ءنہ بنت بلکیں  
 تراک ء چند وتی تہ ء سک بیمناک ء ہترناکیں ندرارگے بیت ء ہمے بیمناکیں  
 ندرارگ ء سان تراک ء چم ءوت دیستگیں یا کہ تراک ء وهدء ساڑی نیں  
 مہلوک ء سرء دائمی ترس ء بیم ء وسیلہ جوڑ بیت۔ چاگے ء مہلوک ء ہاس  
 چھتر (راسکوہ ء کش ء میتگ) ء راسیو (راسکوہ ء چہ کساس 5 کلو میٹر دوریں مینگے) ء  
 جاہمنند کہ ایشاں ایٹمی تراک ء سبب ء درجہ حرارت ءتہ گیشی ء ہوار راسکوہ ء چہ  
 دنز چست بوگ ء دیستگ، ہمے مہلوک ء محج ء نکش بوتگ ء ایشانی ہاتر ء راسکوہ

مدامی ترس یے جوڑ بوتگ۔ زیر دستی بُن اسل ءوتی تہ ءسرجم ءہندی مہلوک ء  
 زیر دست ء سر ء نفسیاتی اُرش یے بلے اے داہیں عمل ء زور اکی کہ چاگے ء  
 مہلوک ءچم ءوت دبستگ کہ چوں پاکستان ء پوجی لشکر چھتر ء راسیو ء جاہمننداں  
 چہ آہانی میتگاں در آگ ء لاچار کنت ء پداہمے مہلوک وتی ہزاراں سالی پت ء  
 پیر کی میتگاں چہ تابکاریاں رگگ ء ہاتر ء دو برشت نہ کنت اے داہیں زور اکی ء  
 ایٹمی تراک ء ندرگ چاگے ء مہلوک ء واستہ دائمی نیم یے جوڑ بوتگ۔

### تابکاریانی چاگے ء مہلوک ء سر ء نفسیاتی سان:

مرچینگیں اہد ء در ستیں سلاہاں چہ بیمناک ء ہتر نا کتریں سلاہ ایٹم بمب انت  
 کہ اے سلاہ نہ تہناہا سیں جاہے ء ہا سیں مدتے ء واستہ تباہی کنت بلکیں ایٹمی  
 تراک ء سان داں کرناں ہما مہلوک ء سر ء کپ انت ء ہمے ایٹمی تراک ء  
 تابکاریانی سان نسل در نسل ہما ہندی مہلوک ء جتائیں جسدی ء نفسیاتی  
 ناڈراہیانی سبب جوڑ بنت۔ جسدی ناڈراہیانی تہ ء کینسر ء تھلیسیمیا ہما گچینی  
 ناڈراہی انت کہ ہمے تراک جاہ ء کش ء گور ء میتگانی مہلوک ء تہ ء گندگ ء اٹنگ

انت۔ اِشیء اَبید نفسیاتی سان کہ سرجم ء ہندی مہلوک ء انور ملٹی ء نیمگہ برگ ء سبب جوڑ بنت، ہمے نفسیاتی سانانی تہ ء یکے تابکاریانی سبب ء مرگ ء ٹرس انت کہ مدامی تراک جاہ ء کش ء گور ء میتگانی مردماں گون بیت ہمے پیم ء چاگے ء مہلوک ء تہ ء ہم ہمے تابکاریانی سبب ء جتائیں ناڈراھی ء مرگ ء بیم داں روچ ء مرچی ہست انت کہ تزانتی ء تہ ء اِشیء ٹرانس جزیشنل ٹراماء نام دیگ بوتگ۔ ٹرانس جزیشنل ٹراما ہا ٹراماء گش انت کہ نسل در نسل بز ان کہ یک پدرتچے ء چہ دومی پدرتچے ء سر بیت ء ٹرس ء بیم ء سبب جوڑ بیت۔

ٹرانس جزیشنل ٹراماء اَبید چاگے ء مہلوک ء تہ ایٹمی تراک ء تابکاریانی سبب ء لڈ ء بار، جنگل ء در چکانی ہشک بوگ، آپ ء میکیں وسیلہ بز ان کہ چمگ ء چاہانی لُرد ء تہیل بوگ ء ہوار دلوتانی مرگ ء ہم نفسیاتی سان مہلوک ء سر ء کپتگ انت کہ اِشیء تہ ء اسٹریس ء ڈپریشن ہوار انت۔ اے ہما نفسیاتی ناڈراھی انت کہ نو آبادیات ء تہ ء زیر دست ء چہ زوراک ء زوراک ء کرتناتی سبب ء چہ اولی روچ ء گون بنت بلے ایٹمی تراک ء پدر تابکاریانی سبب ء چاگے ء بزگیں مہلوک ء بزگی گیشتر بوتگ کہ اِشیء سان تچک ء مہلوک ء نفسیات ء سر ء کپتگ۔

چاگی ء دل بند ء ایٹمی تراک ء پاکستان ء نفسیاتی اپروچ:

زور گیر ء ابرم ء تب ء تہ ہندی مہلوک ء ہاتر ء زہر ء کینگ مان ء زور گیر ء ہمی  
 بالادستی ء ہیال آئی ء زیر دست ء سر ء تشدد پر مائیت دانکہ آچہ تشدد ء وسیلہ ء  
 ہندی مہلوک ء تہ ء وتی ٹرس ء جاہ بدنت ء گھگیری ء راہ ء دراں بند بہ  
 کنت۔ زور گیر ء ہمی تشدد ء کالب ء اگاں ناروائیں پاکستان ء بلوچستان ء دنگ  
 چاگے ء ایٹمی تراک ء بیار ایں ء جاہ بد ایں داں ہمی سمابیت کہ پاکستان ء پہ وتی  
 ایٹمی تراک ء ہاتر ء بلوچ ء زمین ء گچین کنگ ء مستریں سبباں چہ یکے بلوچ راج ء  
 تہ ء دائی ناڈراھی پیدا ک کنگ انت کہ مرچی چاگے ء مہلوک جتائیں جسدی ء  
 مچی ناڈراھیانی آماج انت۔ اشی ء ہوار بلوچ زمین ء سر ء ایٹمی تراک ء پاکستان ء  
 نفسیاتی اپروچ وتی بالادستی ء تاکت ء پیش دارگ انت۔ اشی ء درور ء ماے پیم ء  
 زرت کن ایں کہ بلوچ راج ء لہتیں ٹولیاہنی میان ء اے باوست سک ء ارزشت  
 دیگ بیت ء ہر جاہ اشی ء تبلیغ کنگ بیت کہ ناروائیں پاکستان ایٹمی تاکتے ء گوں  
 ایٹمی تاکتاں جنگ کنگ نہ بیت۔ اے ناروائیں پاکستان ء ہما گیشنگیں اپروچ

بو تگ کہ بلوچ مہلوک ءتہ ءجاہ بہ کنت ءبلوچ راج چہ گہگیری ءراہ ءترس آماج  
 بہ بیت، فرائرے زیر دست ءہمے اپروچ ءفیئر آف فریڈم ءنام ءدنت ءگشتیت  
 کہ چہ زورگیر ءتشد ءترس ءآئی ءجوڑ کنگیں ہیلاں زیر دست چہ آجونی ء  
 ترسیت بز ان کہ چہ گہگیری ءترس آماج بیت۔

شولان بلوچ: ہستیں وھد ءہمے جاہ چون انت؟ اود ءروگ ءموکل ہست؟

توکل بلوچ: راسکوہ ءہاس ہما جاہ کہ ناروائیں پاکستان ءوتی ایٹھی تراک کنگ  
 انت، آجاہ تراک ءروچ ءداں روچ ءمرچی لس مہلوک ءروگ ءرزانہست۔  
 اگاں دری مردے راسکوہ ءروگ لوٹیت گڑا الم انت کہ چاگے ءجاہ منندے  
 آئی ءہمراہ بہ بیت بلے دیمتر ءناروائیں پاکستان ءپوجی لشکر روگ ءرزانہ دنت ء  
 ہستیں وھد ءہمے تراک ءجاہ ءکش ءگور ءپاکستان ءوتی ناروائیں پوجی داشنگ  
 انت، اشی ءمستریں سبب ڈنی میڈیا پرسن ءپوکارانی ترس انت کہ اگاں ڈنی  
 پوکار یا کہ دگہ اھوکارے تراک ءجاہ ءڈاکو مینٹ بہ کنت ءجھان ءدیم ء

بیاریت پاکستان ۽ بلوچ چکچینی ۽ پالیسی دگنیا ۽ دیم ۽ پدر بنت۔ ہمے سبب آنت کہ  
 ہندی مہلوک ۽ ہوار ڈنی مردماں راسکوہ ۽ تراک ۽ جاہ ۽ ہج وڑ ۽ روگ ۽ رزا  
 نیست۔

## گوں بلوچ اھواکار چراگ بلوچ ء جھست

شولان بلوچ: 28 مئی 1998 ء وھدے استان وتی ائٹی تجر بگ ء کنت گڑا بلوچ  
 ء میڈیا ء تہ ء زور بوگ ء سبب ء اے تجر بگ ء هلاپ ء هچ وڑیں بیانیہ یے دیم ء  
 نہ انگلگ، اشی ء شما چون چارات؟

چراگ بلوچ: چون اھا استانانی تہ ء مین اسٹریم میڈیا دم استانانی بیانیہ ء دیم ء بارت  
 دانکہ چہ لس مہلوک ء گواچن چیر دیگ بہ بیت۔ پہ درور کجام وھد ء کہ  
 زور گیریں پاکستانی استان وتی ائٹی تراک ء چکاسیت گڑا ہمیشی ء سبب ء جٹنائیں  
 نادراھی ودی بنت کہ آھانی سان داں مرچی هست انت۔ بلے استان وتی  
 میڈیا ء اولی روج ء اشی ء دیم ء کاریت کہ پاکستان ء وتی تاکت مہکم کنگ ء گوں  
 انچیں شوکیں ترزکاراں اے تجر بگ ء تراک کنگ کہ لس مہلوک ء هچ وڑیں  
 تاوان نہ بوتگ۔ بہ زان کہ استان ء اولی بیانیہ مہلوک ء سر بیت، بلے مہلوک ء

سرء سان کپگ ءُ جتاہیں نادراھیبانی آماج بوگ ءُ اھوال دیمء آرگ نہ بنت۔ چہ  
 ادء مہلوک ءُ بگرداں جہان ءُ بیاکس ءُ ہم اشی ءُ سرء گپ نہ کت۔ بہ زالا کہ  
 اولی ہیال استان نیگ ات، بلے اولی تاوان مہلوک ءُ رست۔ مہلوک ءُ گورء  
 ایشانی باروء علم، تجزیہ، سرپدی ءُ ٹیکنیک نیست ات کہ آھاں ہمے تاوان دیمء  
 بیارتین آنت۔ گنگ ءُ من ءُ مراد ایش انت کہ ہمے تجربگ ءُ تراک ءُ سان کم  
 گنگ بوت انت، مردمانی تہ ءُ سرپدی نہ بوگ ءُ سبب ءُ وتی رسا نکدر ءُ نہ بوگ ءُ  
 سبب ءُ مرچی ماگندگ ءُ این کہ اشی سان چنکس مزن بوتگ ءُ چنکس تاوان  
 دیگ ءُ آنت۔ اگاں آروچ ءُ چشیش شہمیں رسا نکد ءُ ٹیکنیکل مردے بوتیں گڑا  
 مردماں اے سرپدی رستگ ات کہ اشی ءُ سان گیشن ءُ چہ گیشن آنت، اشی ءُ بارو  
 ءُ مارتیار بوگی این۔ گڑا بلکیں ہمے شوک ءُ ایدگہ نادراھیبان چہ کسانیں کچے ءُ ما  
 وت ءُ رکینت کت بہ کتیں، بلے چش نہ بوت ءُ مئے مہلوک مرچی ہم ہمیشی ءُ  
 سانانی آماج انت ءُ ہمگ وھدء مز نہیں کچے ءُ مردم ہمے شوک ءُ سبب ءُ مرگ ءُ  
 ارجان بوگ ءُ آنت۔

شولان بلوچ: آ وھدء آ کجام رسا نکدری نزوری بوتگ انت کہ مرچی مئے مہلوک اشانی داتگیں ساناں جتا ئیں دروشمء او پار کنگء انت؟

چراگ بلوچ: چوناهما حک چیز ہما وھدء دیمء کئیت ء مہلوک ء سر بیت یا کہ سر پد کنت وھدے کہ تو آئی ء سرء گپ بہ کن ءے۔ میڈیا ءتہ ءیک لبرے گنگ بیت کہ گیٹ کیپنگ (Gatekeeping) اشی ء جند ءتہ ء رسا نکدری مردم اے پیسلہ ء کنت کہ کجام کسہ چوں دیمء آرگ بہ بیت، یہ کئی واستہ ء ہمیشہ ء ہمرائی ءدومی چیز کئیت اسٹیٹمنٹ بائیس (statement bias) اشی ءتہ ء ہمے چیز گیشینگ بیت کہ کجام کسہ کجام رنگ ء پیشدارگ بہ بیت۔ اشی ء متب اش انت کہ رسا نکدر سر جمیں چست ء ایراں باوست کنت، اگاں رسا نکدر تئی ہلاپ ء بوت گڑا تئی گپ ء چست ء ایراں چشیں سان ء اثرے نیست، بلے اگاں مئے رسا نکدر مہکم بوتیں یا کہ مارا رسا نکدری مردم بوتیں ما اے تراک ء تجربگ وتی رنگ ء گوں گوا چنی ء وتی مرداناں پیشد اشنگ ات۔ بلے ما اے درگت ء نزور بوتگ ایں ء وتی مردمانی سر پد کنگ ء نزور بوتگ ایں کہ آئی ء سبب ء مرچی ما چیزاں وتی سرء گندگ ء ایں کہ مئے مردم نادراھیانی

آماچ بوان ء بيران بوان أنت۔ اے ہمے سرپدی ء نہ بوگ، مردماں ہمے  
 جیڑھانی سرء سرپدی سر نہ کنگ مردماں اے چیز کمار نہ کنگ ہمے سبب ء اے  
 چیز اتلگ مئے سرء کپتنگ، نون ماسا کنگ۔ اے سر جمیں چیز، اشئ ء سان، اشئ ء  
 آؤکیں تاوان ء بارو ء سرپدی ء اشئ وسیلہ ء مئے راج ء ہستنائی نیم آماچ کنگ ء  
 زانت ہمے رساندر ء وسیلہ ء بوتگ ات بلے اے چیز ء کمی ء مارا بے سما کنگ، ما  
 مرچی اشئ ء سرپدی بوگ ء ایں۔

## گوں بلوچ نبشتہ کارے ءِ جست

شولان بلوچ: اے زوراکی ءِ هلاپ ءِ لبزانک ءِ چے کردار بوت کنت؟ 28 مئی ءِ ویل ءِ درگت ءِ بلوچ لبزانک ءِ تہ ءِ چے هست؟ ایشی ءِ بارو ءِ مارا دلجمی ءِ سرپد کن۔

نوبت بلوچ: لبزانک ءِ شہار مزن انت، ہماکار ءِ کہ بُند پتر کت نہ کنت آکار ءِ لبزانک کنت۔ لبزانک ءِ ایوک ءِ تہنا بُند پتر ءِ ڈبہ گون نہ انت بلکیں آکلین زندمان ءِ بہر شتانی ہوار گیجگ ءِ کار ءِ کنت۔ زند ءِ ہمگ پڑ (شعبہ) ءِ بندریکاں یکجاہ کنت۔ آشہز انتی بہ بیت، راجکاری بہ بیت، راجمانز انتی یا نیکر اہی ءِ ایدگہ تک ءِ تہراں گوں وت ءِ زوران کنت بارت۔ چوشمکہ بُند پتر Chain of events آنی ریکارڈ کنگ ءِ وسیلہ انت بلے ہمے جاوراں چہ پیداک بوؤکیں انسان ءِ

اندری سان ء جاوراں لبز انک زبانه دنت پرچا کہ انسان ء اندری سان ء  
 جاوراں بُند پتر دیست کُت نہ کنت، اود ء ہمک انسان ء حرت ء مارشت ء حواری  
 کیتک نہ کنت کہ پلاں جاوری پیداک بوت گڑا اشی ء پدا اود ء مردمانی اندری  
 جاوری چون بوت آنت؟ بلکیں بُند پتر تہنا جاوری پیداک بوگ ء ڈنی دیدانک ء  
 درا نگاز کنت، ہما بو تگیں ء نہ بو تگیں یا بو وکیں جاوری پست ء دیم ء کسھاں سر ء بُن  
 کنت۔ بلے اے بو تگیں ء نہ بو تگیں ء بو وکیں کسھانی میان ء انسان ء اندری  
 مارشت چے بنت؟ آئی ء تب ء سر ء چو نیں سانے کسیت؟ آئی ء باتن ء ٹپ،  
 آئی ء وشی یا مونجائی ء کہہ کجاوشت آنت؟ گڑا اے جاہ ء لبز انک وتی دستاں  
 شہار دنت ہمے کلیں پشکپنگیں بہراں وتی اندر ء جاگہ دنت کہ آھاں بُند پتر ء  
 سوہان گیت نہ کنت۔

ہمے حساب ء شہزانتی گیدی ء ہمک بو وکیں پد کرد ء سر ء وتی زانشت  
 ء لنگاں چست کنت۔ آزند ء ہمک پڑ ء کاراں زانشتی تقاضا ء گوں چار ء تپاس ء  
 آئی ء سر ء جُست کنگ، آئی ء منانک ء راسبند گری ء شاہیم ء گوں تور کنگ ء کرد  
 ء پیلو کنت۔ بلے ہمک ساہدار ء بابت ء زانشتی چکاسنگ ء میان ء انسان ء ابھی ء

بے زانگیء جاوراں آئیء مارشت کجا اوشت آنت، آچون وتی پاہار کشتیء زبانی دنت؟ آچون گیدیء اسرارانی بندء بوجاں بگر دانکہ انسانء وجودیء شناسی گچپلانی تبء میلاں درانگازیت؟ گڑاے جاہء لبزانک وتی تخیلء شہاراں کار بندیتء درستاں گیسق لبزانک راجمانء اجتماعی درشانء اکسء سازیت۔ اے اکس تخیلء زگریں پیداوار انتء تخیل انسانی اجتماع، راجمانء ربیدگء چہ ڈنیں چیزے نہ یے بلکیں ہمے راجمانء اجتماعء reflection یے۔

دومی لبزانک اگاں Localized مہ بیت، دانکہ آوتی مچانکی مارشتاں درانگازمہ کنت گڑا آھچر Universalized بوت نہ کنت نیکہ آ فردےء نماسندگیء کنت۔ پمیشکہ گش آنت کہ لبزانک زندء کلیں بندریکانی سراں یکجاہ کنتء آیاں حساسیں زبانی بکشائیت۔ ہا حساسیں زبان کہ آ ایدگہ تکء تہرانی سوہانء دپء اتک کنت نہ کنت بلے آ سوہان ایوکء تہنا لبزانکء رانسیب انت۔ متلب لبزانکء چرے پڑاں چہ ڈن یک جتائیں مکامء بستارے نیست انت۔ اگاں کسے بہ گشتیت کہ لبزانک ایوکء تہنا اوشتیتء آئیء جتائیں مکامء بستارے ہست انت گڑا چرے گپء گالاں چہ شک پیدا

بیت کہ اے ترانہ بزنہ، اشیء من و مراد پڑدے چے آنت؟ پرچا کہ اے ترانہ  
 پڑدے ماں یورپی لبزانک پیدابوتگ آنت۔ کسے آگشتگ، لبزانک فردے  
 درانگازی آنت۔ کسے آگشتگ لبزانک آگوں ہچ پیہمیں مکدے آکار نیست۔ کسے  
 آگشتگ کہ لبزانک سیاست جتا آنت لبزانک ایوک آوشنتیت۔ اے کلیں  
 گپ آترانانی بجاہ یورپ آنت۔ اودے جتا جتا کیں جیڑھانی دیہپانی آپد چوشیں  
 ججزاں سرچست کنگ۔ اے کل Grounded جیڑھ آنت، پمیشک ہر زمین آ  
 سر آیک ہساب آہمدپ بوت نہ کن آنت۔ اے جیڑھاں وتی زمینی راستی آ  
 ڈن اردیں کسے چارگ آجہدے بہ کنت گڑا آ راستی آگوں انساپ کت نہ کنت۔

نوں اے کلیں گپانی گتگ آ پڑدے ہمیش آنت کہ بلوچی لبزانک  
 اردیں کہ نبشتہ آ زبان بیت گڑا آئی آ Euro-centric جیڑھ پرچا گٹ آ لوپ  
 بنت؟ 1951 بلوچی زبان لبزانک وتی تیلی منزل آ آنت، انگت آ آ زمانک آ  
 کسے آپرک آ تپاوت آ پوہ نہ آنت، انگت آ بلوچی آ Orthography راست نہ  
 آنت بلے آئی آ ballad طوق گٹ آ آنت چکریت کہ کسے گشتیت بلوچی  
 کلاسیکل آ فارم Ballad آنت گڑا کسے اشیء آ یونانی تہر Epic آ بارت آ سر

کنت۔ گڑا کسے پادکیت بلوچی ء دوراں یوروسنٹرک کلا سیفلیکیشن ء اندر ء چاریت۔ کلاسیکل دور، نیم کلاسیکل دور ء نوکیں دور۔۔۔ بلے اے گپ ء کس نہ گشتیت کہ آیا کلاسیک دورے؟ کلاسیک ء دور ء میان ء حد بندی چے انت؟ آیا کلاسیک فارمے یا کجام بلاہ ء نام انت؟ اے گپ میان ء گار انت۔ گڑا اے کلیں جیڑھانی سبب چے انت؟ ایشانی بنزہ کچاچہ پیدا ک انت؟ پرچا بلوچی تپلی منزل ء وت ء رادگہ وھد ء مکامے ء اندر ء شوھا زگ ء انت؟

وھدے کہ ما اے جُستانی نیمگ ء مہ روایں گڑا 281 مئی ء زور گیری ء ایٹی تباہ کاری ء ہم گواچینس پڑدر ء ماں لبزانک ء چچ پیم درجت نہ کن ایں۔ پرچا کہ 1948 ء ایردستی ء گوں تہنا بلوچ ء زمین چچ گرگ نہ بوتگ بلکیں آئی ء ہمرائی ء آئی ء پچار، زبان ء لبزانک، ربیدگ ء ایندگہ کلیں شے چچ گرگ بوت انت۔ ہمے ایردستی ء گوں بلوچ ہمگ پڑ ء شناسی گچیلے (identity crisis) ء آماج بوان بوتگ۔ بلوچ ء اندر ء Inferior complexity مارشتاں سرکش ات، پمیشکہ آئی ء ہر جاہ وتی ہستمان شموشت۔ داں روچ ء مروچی بازیں تک ء تہر ہست انت کہ اود ء انگت ء بلوچ وت ء رادگہ یکے ء چماں گوں چارگ ء

هدوناک انت، آئی ءوقی لبزانکی میراس ء سرء باور نہ کنت۔ ہمے نادوستی ء کم مارشتی ء سبب انت کہ بلوچی لبزانک ءوقی گواچنیں هستمان (وجود) باہینگ۔ مرچی آہناتوقی ماتنی زبانان کار مرکزنگ ء انت بلے ساچشت ء زگریں جوہر وتی نہ انت۔

پہمشکہ ہتنا 28 مئی نہ انت کہ ادء بلوچی لبزانک ہاموش انت بلکیں چوشین ہزاراں ویل انت کہ آلبزانک ء کالب ء زور آرگ بوگ ء نہ انت، دانکہ ما بے سما بہ بتیں ء ہمے بے سمائی ء بیگانگی ء را بلوچ لبزانت برے Absurdism ء نام ء دینت، برے Existentialism ء، برے ساختیات ء پس ساختیات ء ء برے اشی ء را Modernism ء ہارء گورء دینت۔ دانکہ بلوچ لبزانتانی زورگیر ء دیم ء یک Neutral نیں پوزیشنہ بہ بیت۔ پدا ہمے Neutrality ء پزدرء ہزاراں نیمون سازگ بوتگ۔ لبزانک لیکہ ء پابند نہ بیت، آئی ء گوں مکدے ء کار نیست، لبزانک راجی اوگام جت گت نہ کنت، آئی ء گوں سیاسی مکد گرگ نہ بنت؛ گڑاپہمشکہ توکسے سرء توپکے داشت نہ کن ءے کہ مرے درے چوش نبشتہ بہ کن، لبزانک درزی یے نہ یے کہ تو آئی ء

کچھ ماپ ۽ گد گور ۽ بہ دے ۽ ۽ دگہ ہمے ڈولیں بازیں ونگٹریں نیون آنت۔  
 راجی جہد، راجی مکسد ۽ لیکہ انگت دوریں گپے یکبرے راجمانی جہت ۽ تئی  
 ساچشت ۽ درشان کجانت؟

چاکر نامیں نوہ سالی کودکے کہ آرتبت ۽ ماڈل ۽ وانگ ۽ بیت، اردیں کہ  
 موکل ۽ سینماچوک ۽ کیت گڑا پاکستانی پوج ۽ گندگ ۽ گوں چاکر آیاں سنگ ریچ  
 کنت۔ پداہمے کودک ۽ را مچھی مارکیٹ ۽ گر آنت ۽ آئی ۽ ثا نکولیں لاش ۽ گونی ۽  
 کن آنت ۽ کچھ کور ۽ دور دینت۔ چاکر پر چا پوجیاں سنگ ریچ کنت؟ آتپلیں  
 زہگ ۽ تیر سٹینگلیں بدن پر چا گونی ۽ کنگ بیت ۽ پدا دور دیگ بیت؟ اے ویل ۽  
 چہد یستیں مردمانی سر ۽ چونیں سانے کپیت؟ اد ۽ ہم لبزانک گنگ انت۔ پروا  
 نیست کہ اے یک دگے ۽ کسہ انت ۽ بہ گندے بیست مردماں دیست ۽ دگہ  
 بیست مردماں اش کت بلے اے چلیں مردمانی اندر ۽ مسکینیں لبزانت گون  
 نہ ات پمیشکہ آمیار بار کنگ نہ بیت۔ گڑ اور نائیں حمید ۽ پاہو ۽ ساد ۽ چلگ، اے  
 ہم کس ۽ نہ دیست؟ انماں دیست پر چا کہ اے سیاسی جیڑہے بوتگ لبزانک  
 اے بارہ ۽ اوگام جت نہ کنت۔ اے ہم شر۔ نوں بیا 28 مئی 1998 ۽ ماں

راسکوهء دلبندهء مزینیں ایٹمی تراکے بوت، اے و تو دیست ناں؟ اے مردنی  
 درستیں بلوچاں دیست۔ بلوچ کجا کلیں آلمء دیست۔ اے و سیاسی جیڑھے نہ  
 ات۔ اشیء گوں پارٹیء گلےء کار نیست ات۔ مزینیں آبادی یے تباہ کاریء  
 ار جان کنگ بوت۔ ہزاراں مردم شوکء نادراھیء آماج بوت انت۔ پسء  
 دلوت، آپء موسم، کشتء کشار درست سٹکء پڑ بوت انت ادء زاناں تی  
 کلمء سیاھی ہلا س بوت انت؟ ہمے موسم کہ تو آئیء ساڑء دم نہ برے بلے ہمے  
 موسمء اندرء مرگء جارے مان انت بلے تو گشے ناں، منء تہنا ہما موسمء  
 گوں کار انت کہ آماہ گونگء زلیاں سہاریت۔ ماتر آگشیں آ موسمء سمین ایٹمی  
 تراکء وتی ار جان جنگ، نہ گوات منتگ، نیکہ ہسورء بارانے۔ متلب انچکیں  
 مزینیں تباہ کاریء سرء یک ہم شیمرء کسھے لبزانک وتی اندرء جاگہ دات نہ کنت  
 ء پدا انگت ء گشے ماہ بلوچء بلوچ راجمانء نبشتہ کنگء ایں۔ ادء ناں بلوچ  
 گندگ بوگء انت نیکہ بلوچ راجمان۔ تو گشے ناں، جاور نگیگ انت  
 پمیشکہ Symbolic زبان کار مرز کن ایں، نوں وانوک ہمے زبانء گندگء  
 نہ انت۔ آیا Symbolic زبان لبزانک ء چہ پاکستانء زور گیریء ہمرائیء

وجودء اہلک کہ تو وتی گپیاں پُر آسرا رہ کن ۛ؟ آیا پازل، جام دُرک ۛ مست تو کلی ۛ ۛہ مستریں Symbolic بلوچی لبز انک ۛ کسے بوت کنت؟ بلے ۛہے پازل حلب ۛ ۛہ گپت دانکہ سیوی ۛ در کیت۔ ۛہے پازل شدری ۛ ۛ ہار ۛ تباہ کاریاں وتی ساچشت ۛ بہر کنت، دہلی ۛ اید گہ جنگانی در شانی ۛ کنت گڑ اتی زاناں Symbolic زبان عرش ۛ ۛہ پیدا ک انت؟

گڑ اد ۛ مارا وتی لبز انک گیشینگی انت پر چا کہ اگاں چوش بے لگام بہ بیت، اشی ۛ مانا اش انت کہ آتی راجی وجود ۛ منگ ۛ تیار نہ انت۔ پمیشکہ برے Individualism ۛ پوشاک ۛ گور ۛ کنت، برے feminism ۛ چادر ۛ پوشیت، برے فردی آزادی ۛ او گام ۛ جنت۔ اے کلیں پوشاک راجی اجتماعیت، راجی ریاست ۛ ہلاپ انت۔ یک چیزے کہ راجی اجتماعیت ۛ راجی ریاست ۛ ہلاپ ۛ پلو ۛ اوشاتنگ گڑ آئی ۛ ۛہ امیت ۛ تقاضا پر چا؟ آکنے انت کہ بلوچ ۛ لبز انک ۛ کلاسیفائی کنت؟ اد ۛ گڑ بلوچ آزاد پسندیں گلاں گیشینگی انت، ۛہایاں دیم ۛ آگی انت، ۛہایاں وتی Intellectual faculty گیشینگی انت، ۛہایاں وتی لبز انت در جنگی انت؛ ۛہایاں وتی ساچشت ۛ معیار گیشینگی انت۔

انچوشکھ ماراجی جوڑشت ءِ راجی استان ءِ گپ ءِ جن ایس گڑا مارا لہز انک ءِ ہم  
ہمک معیار در بجنگی انت۔ پرچا کہ راجی جوڑشت تہنا یک پڑے نہ یے بلکیں  
جتائیں پڑانی بہرشت انت۔

28 مئی ءِ راسکوہ ءِ دلہند دا گدار کنگ بوت۔ بلے نہ لہز انک ءِ زرانکے  
جت نئیکہ ایدگہ ادار گال۔ اے لنکک ایوک ءِ لہز انکی مردمانی سر ءِ چست نہ  
بیت بلکیں مئے آشوبی ادار گانی Credibility ءِ سر ءِ ہم سوالے۔ ما استانی  
تاکت ءِ گپ ءِ جنگ ءِ ایس، راجی استان ءِ جوڑشت ءِ سازگ ءِ دیہونی دیگ ءِ ایس،  
بلے یک سر جمیں سیاسی اھدے ایٹی تراک ءِ سر ءِ چپ انت۔ دومی جھانی  
جنگ ءِ دور ءِ وھدے جاپان امریکی تباہکاریں ٹوپانی زد ءِ بیت، نوک ہمیش انت  
کہ امریکہ ءِ جاپان ءِ ہلاپ ءِ ناروائیں جنگے بندات کنگ؛ گڑاھے زمانگ ءِ یک  
کسانیں دوازدہ سالی جنگے کہ آئی ءِ نام یا کو مور یواکی بیت، آھے امر ءِ رودپتر  
نہشتہ کنت۔ ہھے رودپتر پدا Yoko's Diary: The Life of a  
Young Girl in Hiroshima during WWII ءِ نام ءِ چاپ بیت۔  
تہنا ہھے دوازدہ سالی جنگ ءِ شھادت، آئی ءِ رودپتر ءِ نہشتگیں نکانانی سر ءِ

1945ء بہ گرداں روچہ مروچی ہزاراں کار بوگ ء انت۔ ہما بنداتی زمانگ ء  
یا کو ء سر ء ڈا کو منٹری یے Girl in Summer Dress ء نام ء تالان بیت۔  
بلے پدا دء چہ ہم ایوک ء نہ اوشتیت بلکیں مروچی جاپان ء وانگجہانی نصاباں  
ہم یا کو ء کسہ، رودپتر، آئی ء ہرمت کشی، راجدوستی ء وتن دوستی ء کسہ وانینگ  
بنت۔ آئی ء سر ء دنیا ء جھان ء پٹ ء پول کنگ بوتگ ء انگت ء داں بوگ ء  
انت۔ متلب ہتہنایک زہگے ء بابت ء ہزاراں مواد ء نکان ہست انت ایدگہ پٹ  
انگت بے نہ انت کہ ناگاساکی ء ہیر و شیماء سر ء ہزاراں گدار، کسہ، پٹ ء پول،  
سامنسی تجزیہ، تامر جوڑ کنگ بوتگ۔

زار آشوب ء وهد ء لبزانک پہ زور گیری ء ہلاپ ء سلاہے ء وڑ ء  
کار مرزیت، باشویک ء چاپار ء ایدگہ تاکانی سر ء چھاپہ جنگ بیت، بازیں بندش  
جنگ بیت۔ بلے اے کار مدامی حساب ء بر جاہ مان انت۔ لبزانک ہم یکیں  
سرپ ء ہوار بنت۔ لبزانک ء پٹ ء نوکیں تہراں تجربت کنگ بیت۔  
رودپتر نویسی، رپورتاژ، نفسیاتی گدار نویسی، شخصی خاکہ، پنتاک نویسی، جنگی  
سفر نامگ ء ایدگہ بازیں کتہ کاری کنگ بیت۔ پدا دنیا ء شر تریں لبزانک ہم اولی

دومى جھانى جنگ ۽ وهدهء روم زور بيت، تنى وهدى اے ساچشت لبزانك ۽ پڙ  
 ۽ شاهكار ليگك بنت۔ مادور مه رواين انگل هسستين وهدهء جُزناں سيل به كن  
 اين گُرد ۽ فلسطيني جُزء اے پڙ ۽ همينچو كار بوتگ كه آياني نندانك هم  
 Political schooling ۽ لبزانكى ساچشنيكاري ۽ بنجاه زانگ بيت۔ فلسطيني  
 Refugee camp ۽ چه انجيين لبزانك پيداك بيت كه هميشاني سرء تامرء  
 ڈاكو منطري جوڙ كنگ بيت۔ پدا تامراني كارست وت هما لبزانك انت۔ همے  
 لبزانك يكيں وهدهء جنگ ۽ ليڊ كنگ ۽ انت گڙا دومي نيمگ ۽ آزماك، شئيرء  
 تامر ساسي هم كنگ ۽ انت۔ بلے وهدهء كه بلوچي لبزانك ۽ سياست ۽ كائے  
 گڙا اءء ابهام گندگ ۽ كيت۔ لبزانك سياست ۽ دگه كالبے ۽ اير كنت ۽ وت ۽ را  
 گستاكنت گڙا دومي نيمگ ۽ سياست هم لبزانك ۽ دگه كالبے ۽ چاريت۔ نون مارا  
 همے روشنت در گيگي انت كه آيا اے زور گيري تب ۽ ميل نه انت كه ماشاني  
 آماچ اين؟ گڙا همے سبباني جند چه انت كه ماهمك پڙ كير كنگ انت آياں چه  
 لا تعلقي كنگ ۽ اين؟ مارا راجي استانے جوڙ كنگي انت، راجي تاكتے سازگي انت  
 اگاں لبزانك وت ۽ را گستاكنگ ۽ انت، آ Micro Level ۽ بگردانك Meta

level جیڑھاں گندگ ء آنت، آیانی سرء ساچستکاری کنگ ء آنت گڑا بزاں  
جیڑھا ہست انت۔

نوں اے درگت ء چے کنگ بہ بیت؟ چوشکہ بی ایس او بلوچ بجزء  
Political schooling ء سری درسگاہ انت، گڑا اے کارء بی ایس او کت  
کنت کہ آوتی کیڈراں ہمے ابھامیت ء گچچلاں چہ کش ات کنت۔ ماستر بہ گش  
ایں کہ 28 مئی ء ایٹمی تراک ء سرء بلوچی لبز انک ء ہچ نیست ء اشی ء میار بار  
ایوک ء لبز انت آنت گڑا اے وتی رد دیگ انت۔ بلکیں اشی ء کلیں زمہ واری  
کلیں آزادی پسندیں گلانی انت۔ مامرچی ہمے تب ء پیدا کہ بہ کن ایں کہ بلوچ  
جنرء رپو تاثر ء ارزشت چے انت؟ جنگ ء میان ء دوپتر نویسی ء ارزشت چے  
انت؟ ڈاکو منٹری ء کیمرہ چنچکیں مز نیں سلا ہے؟ ہمک چیز ء معیار ہمے ز سری  
درسگاہ ء Set کنگ بنت پدا گڑا ایم ء ہمے چیز Circulate کنان بنت۔

28 مئی ء درگت ء کجام لبز انکی کار انت کہ پشکپتنگ انت؟ اشی ء بارو ء  
ہمک کار ء دست بہ جن نئے ناسر جم انت۔ بز انکہ اے درگت ء ہمنچو کار

ہست آنت کہ ماہدات بہ کن این گڑاسالاں سال ماگون نہ کپ این۔ پرچاکہ مارا انگت ءاشی ءبنداتی کار ءبابت ء آژنائی نیست انت۔ ایٹی تراک ءچہ چنچو لوگ سامند بوتگ، اے بارو ء data collection نیست انت۔ دومی سیسی ٹریجڈی انگت وتی جاہ ءبر جاہ انت۔ اول Data collection اگاں اے نیست انت گڑا ما تخیلاتی چے ساچ ات کن این؟ متلب اشی ء سر ء Graphic Novel جوڑ کنگ بیت کہ ہمے گرافک ناولاں ماوتی زھگاں وانیت کن این، آیاں وتی جُزراں گوں ہمگر خُگت کن این۔ بہ گندے گندگ ء Graphic novel سکیں کسانیں چیزے، بلے بسمارک وھدے کہ جر منی ء چاریں مکاں هوار کنت گڑا آئی ء یک گالردے انچوش زھگانی مجگان نکش بیت کہ پدا ہمے نیشن بلڈینگ ء راھاں تچک کنت۔ پمیشکہ مرچی ہمک پڑ ء کسانیں کارے ء ارزشت سک مزن انت، بلے گپ پدا همودا کیت اوشتیت کہ ما ابھامیت ءچہ وت ء چنچو کنگ ء این ء عملی کارچے کنگ ء این۔ راجی استان پھ داو ء اگاں یک کنگ بوتیں گڑا مرچی دنیا ء ہمک دمکاں یک استانے جوڑ بوتگ ات۔ نوں بی ایس او ء مستریں کار ہمیش انت کہ بچاریت کجام جاہ ء

ابھامیت ہست انت اشانی ہلاپ ءوتی وس ءواک ءعملی چے کارگت کنت۔  
ایوک ءہمے کار بہ بنت بلوچ بجنز ءنمیران بوتگیں پُسگانی دیہونی ءکر بانی ءہک  
پیلو بوتگت کن آنت۔

## گوں بلوچ سیاسی جہد کارے ء ہست

شولان بلوچ: اے ویل ء درگت ء بلوچ مہلوک ء تہ ء چنچو سرپدی ء آگاھی  
ہست؟

سوین بلوچ: انچوشکہ جست انت کہ 28 مئی ء درگت ء مہلوک ء گور ء چنچو  
آگاھی ہست انت۔ نوں مہلوک ء گور ء اے آگاھی ہست انت کہ تراک ء  
سبب ء بلوچ مرچی سک باز نادراہیانی آماج بوتگ۔ بلے آچو سرپد نہ انت کہ  
ریڈیشن نامیں چیزے ہست انت یا ایٹی تراک چے چیزے، بلے مرچی چاگے  
ء گونڈویے پیداگ بیت یاہاران ء گونڈویے پیداگ بیت ء آمازور بہ بیت یاچہ  
اود ء مردے دگہ کجام ہم نادراہی یے ء آماج بہ بیت آوڈے نہ وڈے ء ہھے  
سرپد بیت اے تراک ء سبب انت۔ اے نادراہیاں کہ رُدوم زرتگ اے  
بیاری اے وڈدیم ء آگے ء انت۔ من چاگے ء چوشیں کھول دیستگ کہ آیانی

لوگ ء انجیئیں ناسلا متیں چکے پیداگ بوتگ گڑا آھانی ٹشنگ انت کہ اے ہمے  
 تراک ء سبب ء آھانی چکٹ مازور پیداگ بوتگ انت۔ ماھاران ء یک گونڈویے  
 دیستگ ء آئی ء کھول ہم انچو گشنگ ء آت ء وھدے کہ من ڈالبندین ء سپرے ء  
 ٹشنگ اتاں گڑا ھود ء من ھمک میتگاں کہ ٹشگاں لس مہلوک ء گوں نشتنگ  
 آں، ما یک سوالنامے (Questionnaire) ٹھینتگ کہ آئی ء تہ ء آہ گش  
 انت کہ آھانی کھول ء کسے ء شوک (Cancer) ء نادر اھی بوتگ بلے کینسر ء  
 کیس ماراسک کم رستگ، چوشیں کھول کم بوتگ کہ آپر ائمری وٹنس بوتگ  
 انت بلے آھاں چوش گشنگ کہ آھانی ناکوز گے، سیادے، ناکویے، یادگہ  
 پچارو کے ھست کہ آھاں شوک ء نادر اھی ء گپتگ بہ زان انجیئیں سیکنڈری  
 وٹنس باز رستگ۔ دومی نیمگ ء چوشیں مردم باز رستگ کہ آدونادر اھی ء گلگ  
 کنگ ء بوتگ انت، یکے تھائیر ائڈ (Thyroid) ء دومی ھون ء جیڑہ۔ ھون ء  
 جیڑہ ء تھائیر ائڈ ء جیڑہ باز گندگ بوتگ کہ سک باز مردم ایشانی آماج انت ء  
 اے نادر اھیانی سبب ریڈیشن انت۔

شولان بلوچ: اے ویل ء درگت ء بلوچ مہلوک ء تہ ء چے کنگی بیگ کہ کنگ نہ  
بیگ ء دی مٹر ء کنگ بہ بیت؟

سو بین بلوچ: دومی جسٹ کہ بلوچ راج ء چے کنگی ات کہ آئی ء نہ کنگ۔ منی  
ھیال ء داں مرچی ء اے انجیں مز نہیں کتھے بوتگ، انجیں بلاھیں چکھینی عملے)  
جینو سائیڈل ایکٹے) بوتگ کہ آئی ء سر ء چوشیں ہچ وڑیں مز نہیں تکتے ء ناں  
راجمانی، سیاسی نیکہ لبز انکی عملے پیش دارگ بوتگ۔ پہ درور چہ منی چماں نہ  
گوستگ ابید ء، لہتیں لبزی نبشنا نکاں۔ چوشیں پٹ ء پولی تاک نبشتہ نہ بوتگ  
کہ سامنند بہ بیت، چوشیں ٹیمے اود ء نہ شنگ کہ گراؤنڈ ء ریسرچ بہ کنت یا  
جیولوجسٹ، فزیمیسٹ ء کیمسٹ یے اود ء نہ شنگ ء پٹ ء پول لے نہ کنگ کہ اود  
ء زمین ء تہ ء چے مٹی ء بدلی اتلگ یا انتھر و پول جسٹ یے نہ شنگ کہ بہ پٹ ایت  
ہما مردم 30 سال پیسر زندگ بوتگ انت ء چہ وتی چماں ہما دمگ ء در چک ء  
آئی ء ماہول ء ماہول ء تہ ء چے ء چو نہیں پرک دیستگ اش ء مرچی چے پرک  
گندگ ء انت، اے چیز ء سر ء پٹ ء پول نہ بوتگ۔ اے مستریں ء  
ارزشدار تریں سائنسی ڈیٹا انت کہ ما اشنائی یکجاہ کنگ ء سو بین نہ بوتگ ایں۔

بلے اشیء سرء مرچی ہم کار بوت کنت پمیشہ اشیء سرء زوت ءچہ زوت ہما  
پڑانی مردم کار کنگ بندات بہ کن آنت۔ جتائیں پڑ چوشکہ میڈیکل، کیمسٹری،  
فرکس، کلائمیٹ، انتھر و پولوجی ء ہوار ایدگہ بلدیں مردم اے درگت ءوتی  
زمہ واریاں بہ زور آنت ءکار بہ کن آنت۔ دومی اش کہ مہلوکی موبلائزیشن بہ  
زاں کہ مہلوک ءاشی ءہلاپ ءگپ کنگی انت یا مہلوک ءاے گپ سرپد کنگی  
انت کہ آجتائیں نادر اھیانی آماج آنت، آھانی کچک مازور پیداگ بوگ ءانت،  
آھانی ڈگار انون کشت ءکشاری بوگ ءنہ انت، مہلوک تھائیر انڈ ء آماج  
بوگ ءانت، انفر ٹیلیٹی بہ زاں زھگ نہ بوگ مرچی سکس بلاھیں جیرہے یا  
دگہ ہم چونیں سانے زمین، در چک ءدار، ساھدار ءوتی جند ءتہ ءگندگ ء  
ات، اے ہم ذراہ ہمے تراک ءگوں بندوک آنت ءاشی ءچو ڈالچار مہ کن ات  
بلکیں اشیء ہلاپ ءگپ بہ کن ات ءدرستاں چہ مستزیں اے گپ ءپوہ بہ  
بنیت کہ مرچی اے رنگیں نادر اھی کہ اتلگ آنت آھانی زمہ وار زور گیریں  
پاکستانی استان انت، اے گپ ءمدام یات بہ کن ات۔

دومی میان استمانی (اٹرنیشنل) تک ء انچیں ادارہ ہست آنت کہ آنیو کلیئر  
 اثراتاں کچ کن آنت، ایشاں گوں مئے دزرس نیست کہ من گشاں بہ بیت داں  
 ماراستیں کسہ ء گوں منانک ء دنیا ء دیم ء آورت بہ کن ایں۔ مرچی ہم دنیا سک  
 باز جاہ ہست آنت کہ اود ء اٹمی تراک چکاسگ بوتگ، اشی ء مستریں درور  
 الجیریہ نیگ انت کہ وھدے فرانس وتی ایر دست کنگیں زمین الجیریہ ء سر ء  
 اٹمی تراکاں چکاسیت۔ چرے تراکاں ہندی مہلوک باز سانمند بیت ء اود ء  
 مزینں تباهی کنیت یا ایشانی زمین ء سر ء سک باز نادراھی ء باز مردمانی مرگ ء  
 ہال کنیت، گڑا آھے ڈیٹایاں یکجاہ کن آنت۔ اے راج ء ایر دستی ء وھدے چھ  
 گت نہ کنگ بلے پدا، لہتیں سالاں پد آیانی ٹلک آجو بوتگ گڑا آیاں ہھے  
 زورگیریں ٹلک ء سر ء کیس جنگ کہ آھاں ہمینیچو جرمانہ بہ دنت پرچا کہ  
 فرانس ء مئے ڈیھ ء انچو تاوان داتگ ء تہائی ءے آورتگ گڑا اشی ء زمہ وار  
 فرانس انت۔ گپ ء مکد اش انت کہ اے رنگیں ڈیٹا مار ایکجاہ کنگ ء وتی راجی  
 پتینکاں (آرکائیو) ء ایر کنگی آنت داں مارا مرچی ء باندات کار بہ دے آنت کہ  
 چے رنگ ء زورگیریں پاکستان ء مئے سر زمین ء سر زمین ء نشنگیں مہلوک

تاوان داتگ۔ پرے کارانی ہاترء مارا درستاں وتی وتی پڑانی تہء کار کنگ لوٹ  
 ایت ء گوں چپاکشی ء سانسنی بنیاد ء اے ویل ء درگت ء پٹ ء پول کنگ ء وتی  
 مہلوک ء ہوار میاں استمانی مہلوک سرپد ء پوہ کنگی انت کہ مئے سرء چے  
 گوستگ ء چے گوزگ ء انت۔

## گوں فزیمیٹ یے ء مجست

شولان بلوچ: چه ایٹی تراک ء چه بیت؟ ء سائنسی رد ء اشی ء ماں چا گرد ء  
کلائمیٹ ء سر ء چونیں سان کپ آنت؟

سازین بلوچ: اشی ء پیس مارا سر پد بوگی ایں کہ نیو کلیئر تراک چه یے؟ نیو کلیئر ء  
لبز در اتنگ چه نیو کلیس ء بہ زالا ایٹم ء تہ ء موجودیں نیو کلیس ء گوں بندو کیں  
عمل کہ پہ درور نیو کلیئر ری ایکشن۔ چوشک ایٹم ء سر جمیں تاکت (انرجی) آئی ء  
نیو کلیس ء تہ ء آنت، وهدے یک ایٹم یے پروٹنگ یادومی ایٹم ء گوں هوار کنگ  
بیت چه اشی ء مز نیں انرجی یے ودی بیت۔ اے عمل ء تہ ء هود ء کہ سر جمیں  
انرجی هست آنت بہ زالا نیو کلیس ء چند پروٹنگ بیت۔ اے عمل ء تہ ء یورینیم ء  
زیر آنت، وهدے یورینیم ء ایٹم یے ء نیو کلیس ء سر ء نیوٹرونانی اُرش کنگ بیت

گڑانیو کلیس پرش ایت ء اء ء چہ مز نیں انر جی یے ودی بیت، پدا همے عمل ء تہ ء  
دگہ نیوٹرونے ہم ودی بیت کہ آرؤت دومی نیو کلیس ء سر ء ارش کنت۔ اء ء چہ  
یک چین ری اکتنے جوڑ بیت ء اے عمل همے رنگ ء روان کنت۔ چرے عمل ء  
سکیں مز نیں انر جی یے ودی بیت کہ آنر جی ء اگاں تراک ء تہ ء کار مرز بہ کن  
ء گڑا مز نیں تباھی یے کنیت۔ پہ ایٹی تراک ء ہاتر ء همے عمل زیر گ بیت  
ء انچو ڈیزا ن کنگ بیت کہ وھدے اے تراک بوت گڑا آوتی کش ء گور ء  
سر جمیں چیزاں تباہ کنت۔ بندات ء ترندیں تراکے بیت کہ ہماہا سیں جاہ ء  
ھمگ مادی چیزاں تباہ کنت، آئی ء پد تھر مل ریڈیشن بیت کہ کش ء گور ء داں  
دیریں چیزاں سوچاں کنت ء آئی ء پد گوات ء تہ ء میزان میزان ء ریڈیشن شنگ  
بوان بنت۔ اے عمل نہ اوشنتیت بلکیں روان کنت ء شنگ بوان کنت۔ چرے  
تراک ء پڑ شنگیں ایٹم بہ زان ریڈیشن زمین ء گوات ء تہ ء ہوار بنت ء آہانی دیم  
ء دگہ کجام ہم البیمنٹے کنیت آئی ء گوں ری ایکشن کن انت ء آہاں پروشان  
بنت کہ اے ایٹی ڈیکے ء نام ء زانگ بیت۔ وھدے کہ ریڈیشن بیت گڑا زمین  
ء تہ ء موجودیں ھمگ چیزانی ابرمی جوڑشت ء پروش ایت ء آوتی راستیں دروشم

ءنہ بیت۔ ہمے پیم گوات ء سرء ہم سان کپ ایت پدا اے ریڈیشن گوات ء وسیلہ ء سپر کنان کن آنت ء دومی جاہاں شنگ بنت۔ چہ اشی ء زمین ء سرء کشت ء کشاری بیت نہ کنت، آئی ء آپ زھرناک بیت، آئی ء ہمک مواد چہ ریڈیشن ء پُر بنت ء تاوان دینت۔ وھدے کہ گوات ء تہ ء ہوار بنت گڑا گوات ء تہ ء آدگہ گسیاں سانمند کن انت ء گوں ساہ ء زیرگ ء انسان ء درد بیت، چہ گوات ء انسان ء تہ ء ریڈیشن روت ء انسانی بالاد ء تاوان دنت، درچک ء داراں تاوان دنت ء ایشاں ہوار زمین ء گوات ء سر جمیں کہ ابرمی جوڑ شتے ہست آئی ء پرورش ایت ء ناسلامت کنت۔

شولان بلوچ: ریڈیشن ء سان داں چٹکس وھدے بر جاہ بنت ء اشی ء دارگ ء ہاتر ء  
چو شین عملے ہست؟

سازین بلوچ: وھدے کہ تراک بوت گڑا آئی ء پد ریڈیشن بندت بیت ء گوات ء تہ ء ہوار کپ آنت۔ اے ریڈیشن وت بھ ہلاسا نہ بنت ء داں ہزاراں سالوں بر جاہ بنت۔ اے چیز کار دار ایت کہ اے عمل ء تہ ء یورینیم ء

کجام تہرہ ایٹم کارمرز کنگ ء آھانی آنسو ٹوپس بہ زان جوڑشتی ابرم چے  
 بوٹگ۔ بنداتی دورہ ریڈیشن تباھی کنت ء یک بھرے ہلاس بیت بلے دومی  
 پشت کپتنگیس بہر گوات ء تہ ء سالانی سال بنت۔ انچیں بیت کہ ماہانی تہ ء  
 موجود بنت ء وتی زور ء جن انت پد انزور بنت بلے ہلاس نہ بنت ء انچیں بارگ  
 ء سالانی سال بر جاہ بنت۔ وھدے کہ ریڈیشن گوات ء تہ ء بوت گڑا آھور ء  
 دروشم ء دوہر زمین ء سر ء انسانانی سر ء کنتیت، گوات ء تہ ء کہ باز بوت گڑا  
 موسماں مٹ کت کنت پہ درور ہور نہ بیت، ہٹکی بیت، سک سرد بیت یاسک  
 گرم بیت کہ چہ اشی ء زمین ء موسم مٹ بنت۔ اے ہما ایٹمی تراک ء سر ء کار  
 داریت کہ چون ء کجام رنگ ء کجام پہریزاں گوں کنگ بوٹگ پہ درور جاپان ء  
 شہر ہیر و شمیاء سر ء ایٹمی تراک ء پد مرچی اود ء مہلوک جاہ مندر انت ء زمین آباد  
 انت، کموسان ہست انت بلے آباد انت۔ دومی نیمگ ء روس ء شہر چیر نوبل  
 انت کہ داں روچ ء مرچی اود ء ریڈیشن بلے کساس ہست ء سر جمیں شہر  
 ہالیگ کنگ بیگ ء مردم نیست نیکہ اود ء در چک ء دار بیت ء نہ اود ء موسم شر  
 بوٹگ۔ چیر نوبل ء چوشکہ ری ایکٹر پرورش ایت ء سر جمیں ریڈیو ایکٹیو مواد شنگ

بنت ءُ جاپان ءُ ایٹمی تراک زمین ءُ پیس تراکینگ بیت ءُ آئی ءُ سان دیتر ءُ کتر  
بنت۔

بلے چونہاریڈیشن سرجمی ءُ ہچبر ہلاس نہ بنت نیکہ انسان ایشی ءُ داشت کنت  
بلکیں اے یک ابرمی عملے کہ یکبرے بندات بوت پداروان کنت کہ مدام  
زمین ءُ گوات ءُ تہ ءُ ہست بنت ءُ انسانی زند ءُ سانمند کنان بنت۔ چہ ایشی ءُ رگگ  
ءُ ہاتر ءُ انسانانی سر ءُ دلگوش دیگ ءُ آہانی جانسلامتی ءُ مدام چک ءُ تان کنگ ءُ  
علاج کنگ بوت کنت۔

## گوں بلوچ سیاسی رهشون دلراد بلوچ ءچہ جہست

شولان بلوچ: عالمی سطح پر اس طرح کے سانحات (ایٹمی دھماکوں) کو کس طرح دیکھا جاتا ہے اور اس ضمن میں زیر نگین اقوام کے لیے کیا کیا ہو سکتا ہے؟

دلراد بلوچ: اٹھائیس مئی 1998 کو پاکستان نے چاغی کے پہاڑی سلسلے راسکوہ میں جوہری دھماکے کیے۔ بی این ایم کے نزدیک یہ محض ”جوہری تجربات“ نہیں تھے بلکہ بلوچستان کی سر زمین، ماحول اور وہاں آباد انسانوں پر ایک مسلط کردہ ایٹمی حملہ تھا۔ اس کی بنیادی وجہ یہ ہے کہ بلوچ عوام سے نہ کبھی اس عمل

پر رائے لی گئی، نہ انہیں اس کے خطرات سے آگاہ کیا گیا، اور نہ ہی انہیں اپنے وسائل و سرزمین پر فیصلہ سازی کا حق حاصل تھا۔ اس عمل میں بلوچ قوم کی نہ سیاسی رضامندی شامل تھی اور نہ اخلاقی شرکت۔ اس وقت جو عناصر صوبائی حکومت یا ریاستی ڈھانچے میں موجود تھے، ان کا کردار نمائندگی کے بجائے موقع پرستی اور مرکز کے سامنے بے بسی کی علامت تھا۔

عالمی سطح پر ایٹمی دھماکوں کو ہمیشہ انسانی بقاء، ماحولیاتی سلامتی اور علاقائی امن کے لیے سنگین خطرہ سمجھا جاتا ہے۔ اسی لیے اقوام متحدہ نے ایٹمی ہتھیاروں کے پھیلاؤ کو روکنے کے لیے این پی ٹی (NPT) جیسا عالمی معاہدہ تشکیل دیا۔ اگرچہ پاکستان اس معاہدے کا دستخط کنندہ نہیں، لیکن عالمی برادری کے نزدیک ایٹمی ہتھیاروں کا پھیلاؤ اور ان کی غیر ذمہ دارانہ منتقلی ایک عالمی جرم تصور ہوتی ہے، کیونکہ اس کے اثرات کسی ایک ریاست تک محدود نہیں رہتے بلکہ پوری انسانیت کو متاثر کرتے ہیں۔

پاکستان کی ایٹمی پالیسی پر عالمی سطح پر شکوک و شبہات کی ایک بڑی وجہ اس کا ماضی ہے۔ دنیا نے دیکھا کہ پاکستانی ایٹمی پروگرام سے وابستہ ڈاکٹر عبدالقدیر

خان کے نیٹ ورک نے شمالی کوریا اور لیبیا جیسے ممالک کو ایٹمی ٹیکنالوجی اور حساس معلومات منتقل کیں۔ یہ صرف ایک خفیہ سرگرمی نہیں تھی بلکہ عالمی ایٹمی عدم پھیلاؤ کے نظام کے لیے ایک بڑا دھچکہ تھا۔ اگرچہ پاکستان این پی ٹی کا رکن نہیں، مگر اقوام متحدہ کے تحت قائم عالمی اصولوں اور بین الاقوامی سلامتی کے تقاضوں کے مطابق ایسے اقدامات کو انتہائی خطرناک اور غیر ذمہ دارانہ سمجھا جاتا ہے۔ یہی وجہ ہے کہ دنیا میں پاکستان کو اکثر ایک ایسے ایٹمی ریاست کے طور پر دیکھا جاتا ہے جہاں عسکری ادارے جمہوری نگرانی سے بالاتر ہیں اور ایٹمی صلاحیت ایک غیر شفاف سکیورٹی اسٹیٹ کے ہاتھ میں ہے۔

یہ بھی ایک حقیقت ہے کہ پاکستان میں ایٹمی ہتھیاروں کے استعمال، تحفظ اور پھیلاؤ سے متعلق فیصلے عوامی نگرانی یا پارلیمانی احتساب کے بجائے عسکری اسٹیبلشمنٹ کے ہاتھ میں مرکوز ہیں۔ ایسی ریاست، جہاں آئینی بحران، مذہبی انتہا پسندی، عسکریت پسندی اور غیر منتخب طاقتوں کا غلبہ ہو، وہاں ایٹمی ہتھیاروں کی موجودگی عالمی برادری کے لیے مستقل تشویش کا باعث بنتی ہے۔

دنیا کے کئی تھمک ٹینکس اور سلامتی کے ادارے بارہا اس خدشے کا اظہار

کر چکے ہیں کہ اگر ریاستی عدم استحکام بڑھتا ہے تو یہ ہتھیار یا ان سے متعلق ٹیکنالوجی غلط عناصر تک پہنچ سکتی ہے۔

جب پاکستان نے مئی 1998 میں دھماکے کیے تو اقوام متحدہ سمیت امریکہ، جاپان اور یورپی یونین نے سخت رد عمل دیا اور پاکستان پر اقتصادی پابندیاں عائد کی گئیں۔ عالمی سطح پر اسے جنوبی ایشیا میں ایٹمی دوڑ اور جنگی خطرات میں اضافے کے طور پر دیکھا گیا۔ تاہم گیارہ ستمبر 2001 کے بعد امریکہ اور مغربی طاقتوں کی ترجیحات بدل گئیں، کیونکہ افغانستان جنگ میں پاکستان ایک اسٹریٹجک اتحادی بن گیا، چنانچہ بہت سی پابندیاں نرم یا ختم کر دی گئیں۔ اس کے باوجود پاکستان آج تک این پی ٹی کارکن نہیں اور اسے قانونی طور پر تسلیم شدہ ایٹمی ریاست کا درجہ حاصل نہیں، بلکہ صرف *de facto nuclear state* کے طور پر دیکھا جاتا ہے۔

بی این ایم کا موقف واضح ہے کہ ایٹمی ہتھیار انسانیت کے خلاف جرم ہیں۔ بلوچستان میں کیے گئے دھماکوں نے نہ صرف ماحول کو متاثر کیا بلکہ مقامی آبادی

کی زندگی، صحت اور معیشت پر بھی گہرے اثرات مرتب کیے۔ چاغی اور گرد و نواح میں زیر زمین پانی کے ذخائر متاثر ہوئے، کئی چشمے خشک ہو گئے، موسمی تغیرات میں شدت آئی، بارشوں میں کمی اور قحط سالی کے رجحانات بڑھے۔ مقامی سطح پر کینسر، جلدی اور سانس کی بیماریوں سے متعلق شکایات میں اضافہ رپورٹ ہوا، مگر چونکہ بلوچ ایک محکوم قوم ہیں اور ان کے پاس ریاستی وسائل یا آزاد تحقیقی ادارے موجود نہیں، اس لیے ان اثرات کا جامع اور غیر جانبدار سائنسی مطالعہ کبھی نہیں ہو سکا۔

پاکستانی ریاست نے نہ تو متاثرین کے لیے شفاف طبی سروے کرائے اور نہ ہی بین الاقوامی ماہرین کو آزادانہ تحقیق کی اجازت دی۔ نتیجتاً بلوچ عوام کے پاس وہ سائنسی ڈیٹا اور سرکاری دستاویزات موجود نہیں جن کی بنیاد پر وہ عالمی عدالتوں یا انسانی حقوق کے فورمز پر اپنے مقدمے کو مؤثر انداز میں پیش کر سکیں۔ اس کے باوجود بلوچ قومی بیانہ یہ سمجھتا ہے کہ چاغی کے دھماکے ایک ایسی نوآبادیاتی ذہنیت کی عکاسی کرتے ہیں جہاں محکوم اقوام کی سر زمین کو عسکری مقاصد کے لیے استعمال کیا جاتا ہے، جبکہ ان کی انسانی سلامتی، ماحول اور مستقبل کو نظر انداز کر دیا جاتا ہے۔

شولان بلوچ: پارٹی (بی این ایم) نے اس سانحے (ایٹمی دھماکوں کے تناظر) کتنے اور کس طرح کی آگاہی مہم دی ہے یا پیشینہ دائر کی ہے، اور اس کا نتیجہ کیا برآمد ہوا ہے؟

دلداد بلوچ: بی این ایم نے چاغی کے ایٹمی دھماکوں کو محض ایک تاریخی واقعہ کے طور پر نہیں بلکہ بلوچ قوم، ماحول اور انسانی صحت کے خلاف ایک مسلسل انسانی المیے کے طور پر اجاگر کیا ہے۔ اسی تناظر میں پارٹی گزشتہ کئی برسوں سے مختلف سطحوں پر منظم آگاہی مہم چلا رہی ہے۔ ان مہمات میں سیمینارز، احتجاجی مظاہرے، تحریری رپورٹس، بین الاقوامی اداروں سے رابطے، انسانی حقوق کی تنظیموں کے ساتھ مکالمہ، اور مختلف ممالک کے پارلیمانی اراکین و پالیسی ساز حلقوں کو بریفنگ دینا شامل ہے۔

بی این ایم خاص طور پر ان بین الاقوامی اداروں اور تنظیموں کے ساتھ رابطے میں ہے جو ایٹمی ہتھیاروں، انسانی حقوق، ماحولیات اور محکوم اقوام کے حقوق کے حوالے سے کام کرتی ہیں۔ اس ضمن میں اقوام متحدہ کے انسانی حقوق

کونسل، یورپی یونین، یورپی پارلیمنٹ، مختلف مغربی ممالک کے قانون ساز اداروں، اور اسلحہ و ایٹمی ہتھیاروں کے خلاف سرگرم تنظیموں کے سامنے بلوچستان میں ایٹمی دھماکوں کے انسانی و ماحولیاتی اثرات کا مقدمہ پیش کیا جا رہا ہے۔ بی این ایم کی کوشش ہے کہ چاغی کے مسئلے کو صرف پاکستان کے “قومی دفاع” کے بیانیے تک محدود نہ رہنے دیا جائے بلکہ اسے انسانی سلامتی، ماحولیاتی انصاف اور محکوم اقوام کے حق حیات کے تناظر میں دیکھا جائے۔

تاہم اس حقیقت کو بھی سمجھنا ضروری ہے کہ پاکستان ایک ریاست ہے، جس کے پاس وسیع سفارتی نیٹ ورک، طاقتور خارجہ ڈھانچہ، عالمی دارالحکومتوں میں سفارتی مشن، اور ریاستی وسائل موجود ہیں۔ پاکستان اپنی سفارت کاری اور سرکاری بیانیے کے ذریعے عالمی سطح پر حقائق کو اپنے حق میں پیش کرنے کی کوشش کرتا ہے، جبکہ بلوچ قوم ایک محکوم اور غیر ریاستی قوم ہونے کے باعث ان وسائل سے محروم ہے۔ یہی وجہ ہے کہ بلوچ موقف کو عالمی سطح پر جگہ بنانا ایک طویل، صبر آزما اور مسلسل جدوجہد کا تقاضا کرتا ہے۔

بی این ایم ایک قومی آزادی کی تحریک ہونے کے باوجود نہایت محتاط، مہذب اور سفارتی انداز میں اپنا مقدمہ پیش کر رہی ہے۔ پارٹی کا خارجہ شعبہ محدود وسائل اور شدید رکاوٹوں کے باوجود مستقل بنیادوں پر بین الاقوامی فورمز، انسانی حقوق کے اداروں اور پالیسی ساز حلقوں سے رابطے میں ہے۔ پاکستان اور اس کے بعض اتحادی ممالک کی جانب سے بلوچ آواز کو دبانے، بدنام کرنے یا محدود کرنے کی کوششوں کے باوجود بی این ایم نے اپنے موقف کو دلیل، تحقیق اور سفارتی حکمتِ عملی کے ساتھ آگے بڑھایا ہے۔

ہم یہ دعویٰ نہیں کرتے کہ ایسے معاملات میں نتائج چند دنوں یا مہینوں میں حاصل ہو جاتے ہیں، کیونکہ بین الاقوامی سفارت کاری اور انسانی حقوق کے مقدمات ہمیشہ وقت لیتے ہیں۔ دنیا میں بہت سے ایسے معاملات موجود ہیں جہاں برسوں کی مسلسل جدوجہد کے بعد عالمی رائے عامہ تبدیل ہوئی۔ اسی لیے بی این ایم اس مسئلے پر مستقل مزاجی کے ساتھ کام کر رہی ہے تاکہ بلوچستان میں ایٹمی دھماکوں کے انسانی، طبی اور ماحولیاتی اثرات کو عالمی سطح پر تسلیم کروایا جاسکے۔

ہمیں بعض بین الاقوامی حلقوں، انسانی حقوق کے کارکنوں، ماحولیاتی تنظیموں اور قانون ساز اداروں کے اراکین کی جانب سے حوصلہ افزا رد عمل ملا ہے۔ اگرچہ یہ ابھی ابتدائی سطح پر ہے، لیکن یہ اس بات کا اشارہ ہے کہ بلوچستان کے مسئلے کو اب محض ایک داخلی سیاسی معاملہ نہیں بلکہ انسانی حقوق اور ماحولیاتی انصاف کے مسئلے کے طور پر بھی دیکھا جا رہا ہے۔

بی این ایم سمجھتی ہے کہ چاغی کے ایٹمی دھماکوں نے بلوچستان کے ماحولیاتی توازن، آبی وسائل، انسانی صحت اور آنے والی نسلوں پر دیرپا اثرات مرتب کیے ہیں۔ یہ صرف ماضی کا ایک واقعہ نہیں بلکہ ایک جاری انسانی بحران ہے، اور اسی لیے پارٹی اس مسئلے کو اپنی سفارتی اور سیاسی ترجیحات میں اہم مقام دیتی ہے۔

28 مئی 1998ء وھدے زورگیریں پاکستانی بلوچ ڈیھ ء سرء ایٹی تراک ء چکاسیت، چرے تراک ء بلوچ گلزمین ء دلبنڈ ٹیگ بیت ء مئے گلیں زمین ء سرء آسے جمبورکنگ بیت، چرے آس ء مئے ڈیھ ء زیبائی، جنگلانی درچک ء دار، زمین ء رسگیں مرگ ء ساھدار، جھمنڈ میں مہلوک ء ھوار سرزمین ء گوں بندوکیں ھمک شے چہ تراک ء تراک ء آسرء ریڈیشن ء ساناں سوچک بیت۔ اے ویل مئے ڈیھ ء ماندارگ ء روج انت۔ ھما گلزمین کہ ماراچوساھ ء دوست انت، آئی ء جاھمنڈ میں مہلوک، درچک ء دار، کور ء کور جو، مرگ ء بالو، جناور ء دا بو، کوہ ء کچر، میزریں ڈن ء ڈگار کہ مئے ساھ ء زورگ ء ھوار انت، آھانی رکینگ ء پھاژگ ء مئے ھستناک کربان انت، کسے مئے چوشیں دو ستگیں چیزاں تاوان بہ دنت ء آھاں بہ سوچ ایت اے مئے ھاتر ء آسروک ء روج لیگک بیت۔

شولان بلوچ

سگار پبلیکیشنز

www.bsoazad.org

